

元始无量度人上品妙經卷之十九

十方聖境品

道言昔於靈華天中景耀迴風大圓化土受元始度人十方聖境无量上品元始天尊當說是經周迴十過以召十方始當詣座天真大神上聖高尊妙行真人十方聖境化土世界仙君仙王無鞅數眾乘空而來玄雲飛霞鳳輿朱輪葆蓋交蔭琅碧騰輝洞徹八冥晃耀太空九日九夜諸天日月宮府星垣帝闕寶觀朱樓神嶽瓊山璇臺劫仞下及蒼丹之界玄素之鄉清都九淵六周十極光明照朗通達無礙一國地土山川林木緬平等無復高下土皆作黃玉中天正炁交灌坤邱神化平夷無有

道藏輯要

度人妙經

卷

角集四  
XXXX

異色眾真環侍元始天尊安坐太虛九芒赤文火玉之座說經一遍諸天大聖同時稱善是時一國男女仰聽玄音悉悟妙道說經二遍目覩神化洞徹萬緣說經三遍合會正炁皆能闡法說經四遍億劫積滯隨念消融說經五遍金真散結百關流通說經六遍地生寶華天敷玉文說經七遍悠悠羣類克保完堅說經八遍鬼官罷對幽魂上升說經九遍虛皇妙光照暎十方无量元宮分形應化一切天人隨方敬仰說經十遍玉符下降安鎮神山度世升平永無劫運是時一國是男是女莫不傾心皆受開濟咸得長生

道言是時元始天尊說經一遍東方无極无量品仁旺大神無

鞅之眾浮空而至說經二遍南方无極无量品合明大神無鞅  
之眾浮空而至說經三遍西方无極无量品皓元大神無鞅之  
眾浮空而至說經四遍北方无極无量品玄光大神無鞅之眾  
浮空而至說經五遍東北无極无量品保安大神無鞅之眾浮  
空而至說經六遍東南无極无量品流運大神無鞅之眾浮空  
而至說經七遍西南无極无量品鎮紀大神無鞅之眾浮空而  
至說經八遍西北无極无量品持綱大神無鞅之眾浮空而至  
說經九遍上方无極无量品生方大神無鞅之眾浮空而至說  
經十遍下方无極无量品延康大神無鞅之眾浮空而至十遍  
周竟十方天真聖境大神一時同至一國男女傾心歸嚮來者

道藏輯要

度人妙經

卷

角集四

XXXX

有如輕塵重霧億乘萬騎玄雲四會天澤密周素煙層沓非可  
禁止於是元始手出妙光化一圓象結成寶雲瑩若朗月在空  
玄之中去地百丈元始登引天真大神上聖高尊妙行真人十  
方无極天真大神無鞅數眾俱入寶輪之中天人仰看惟見導  
從自輪影中入既入輪影不知所在國人廓散地常清潤無復  
更變元始卽於寶輪之內說經都竟眾真監度以授於我當此  
之時忻慶難言法事周悉眾靈復位俄爾之間杳無遺音是時  
天民遇此大範普獲惠濟全其天年無有天傷合境歸仰感悟  
道緣不懈不退不敗不遷不苟不諂不私不偏不佞不黨不遇  
不愆言宗至理命保長延齊同慈智心契高玄國境豐富帝祚

綿綿法始流布一國以道預有至心宗奉敬衛皆得度世  
道言元始天尊說經中所言垂是三天化炁謠歌大範之音亦  
是十方聖境真仙之隱名也非世之常辭上元開運真人通微  
悟玄能悉其章誦之十過九天稱慶羣靈列言三官執籙簡奏  
玉京日月騰輝星網順行大魔伏謁眾祇東形濟生度死朽骸  
成人太極飛仙誦之十過則十方境界无極靈鄉下逮神洲洞  
泉海嶽有生安泰各遂逍遙所以爾者上聖高真擬自然之秀  
育質碧霄生而知道故感格玉清無所不度飛仙中真積學修  
鍊而契於玄雖證位同聖非上元之比但濟世境而已不能制  
天政也輕誦此章身則被殃宗敬保秘立著元功世世昌熾善  
道藏輯要

度人妙經

卷

角集四

根興隆眾邪不干天神護門斯經玄奧萬境所尊度人無極爲  
生道之宗皇皇正範難可勝量

道言凡誦是經十過洞章玄音上達玉清感格虛皇降三天正  
真九陽積妙太玄之炁下開八門灌注流入羅酆幽暗泉曲冥  
關度爾億會萬祖受苦魂爽克得化鍊上升朱陵皆應真期靈  
符攝生得爲至人而好學上經果備功圓皆得飛仙超升玉闕  
遊眇九霄也鴻學之士修誦是經皆卽受度高宴南宮世人受  
誦則壽極三元後皆得證太陰鍊形之道藏質九淵寄身后土  
魂不蕩空魄不沉滯歷劫周運卽獲更生一切天人悉獲受度  
无量景福幽顯蒙惠上玄所禁不傳于世至士持重寶效心盟

誓而傳輕泄玉章殃連七祖長役土官侍經聖境玉童玉女各四十八人營衛神文保護受經者身

道言正月長齋誦詠是經真光下濟溥釋幽陰爲上世亡魂斷滅罪結升度朱宮七月長齋誦詠是經正真生炁流灌心田金錄注名身得高仙十月長齋誦詠是經聖境內通法耀外明爲國王帝主保延世境安鎮萬邦欣樂昇平大福無疆三辰靈順天壽永昌八節之日誦詠是經得爲流珠絳闕保生真人本命之日誦詠是經十方大聖化境高尊乘雲駕龍來詣監盟書名元斗列奏玄冥百神集會功著九天大魔保舉形飛列仙

道言行道之日皆當香湯沐浴齋戒入室東向叩齒三十二通

道藏輯要

度人妙經

卷

角集四

上聞三十二天心拜三十二過閉目靜思身坐碧絳紫三色雲炁之中內外翳冥有青龍白虎朱雀玄武獅子白鶴羅列左右十方聖境一時同現日月照明洞煥室內項生圓象光映十方如此分明密呪曰

无上玄元太上道君召出臣身中三五功曹左右官使者侍香玉童傳言玉女五帝直符直日香官各三十二人關啟所言今日吉慶長齋清堂修行至經无量度人願所照上徹徑御无上三十二天元始上帝至尊几前

畢

引炁三十二過東向誦經

元始无量度人上品妙經

元始洞玄靈寶本章十方聖境上品神霄神化度人赤符隱韻  
騰耀自然混漠洞冥虛無玉真肇開元範大台神靈虛皇一炁  
植立諸天斯構十方五劫推遷七變神洲十轉天關玄妙聖境  
仙真帝臣開明三道散化五形萬象齊立虛極靈根上周復景  
獨運爲身華晶至應大樸靈文九霄冲感風激飛煙迅綱木輪  
交瓊深淵皓皇廣布元運包纏是爲造化十極將分鬱嶽瓊臺  
蕭飢還京上窮圓象琳闕飛青眇眇帝炁巍巍劫城三靈玉筵  
太上玄庭金闕華房森列流精廣霞育炁周變千靈中有十天  
校錄之神中有方諸上道之君中有洪聖妙元之真中有合境

道藏輯要

度人妙經

卷三

角集四

開導丈人中有東華南極西靈北鬱四維上下列聖高真共敷  
大範開化天人執天正憲无量度人今日集會攝召臨軒

東方聖境賢善世界正化神王長生大聖无量度人

南方聖境明離世界真慧神王長生大聖无量度人

西方聖境皓洞世界招仙神王長生大聖无量度人

北方聖境清淨世界多吉神王長生大聖无量度人

東北聖境妙華世界威德神王長生大聖无量度人

東南聖境九真世界福滿神王長生大聖无量度人

西南聖境流光世界金華神王長生大聖无量度人

西北聖境玉宸世界神智神王長生大聖无量度人

上方聖境紫虛世界道樞神王長生大聖无量度人  
下方聖境慈護世界救厄神王長生大聖无量度人

十方无極通變神王飛空度世開化大神並乘絳雲綠輿碧輦  
羽蓋瑤輪驂駕玄鳳白虎斑龍建元暉玉節七耀靈旛前列十  
天大帥後從黃闕化兵猛馬蒼麟騰擲辟邪天官啓塗玄真翼  
轅億乘萬騎浮空而來傾光回駕聖境度生太微玉輔元素上  
靈神章鴻化大洞高尊統天執法齊會帝前隨方立應簡示諸  
天普告八極寒夜靈關洞神左府北水九淵大上羅酆六洞三  
宮曲池龍廐大劫河源威光九仞長役風庭火山冰鏡億零女  
青大君符命時刻飛昇斷絕惡趣消滅罪根陽輝下濟原赦幽  
天天帝鑑冥無色之境梵行

道藏輯要

度人妙經

卷三

三七

角集四

東方八天

靈蘭雲室天

帝記行宛盈

開真成化天

帝閻濟莊

祕景凝神天

帝逸塗獨雲

玉陽聖境天

帝赤序畢升

海國飛鄉天

帝穆衍离

嶽靜虛音天

帝感時慶昭

智常極仁天

帝述俱辭名

神島遊車天

帝益憑子柯

南方八天

炎正司治天

帝諒宮承方

晉豐就和天

帝迪宗中宜

朱陵典禁天

帝冲仙九純

降都昭靈天

帝兵禳伸和

守庭校精素魔天

帝暉道清

迦璣度光天

帝響邦署枚

訶神耀羅天

帝達玄宥鏡

道藏重刊

度人妙經

書

角集四

威明廣兵天

帝成都祈陽

西方八天

東臺羽武天

帝河稽魯傳

韓官篤宰天

帝明維子康

龜巖西臺天

帝昌興黎巖

直申迅靈天

帝悉託思

幽墟潛校天

帝伯耀光

挈瀆垂神天

帝逐防廓明

波關龍濟天

帝和冲孚

參首慶生天

帝勅利住賓

北方八天

洞陰夜城天

帝定平若澄

孤光玉峯天

帝寂蒙變號

黑嶼雷司天

帝澤披戢光

正居錫玄天

帝悲盧祈昌

太一張遙天

帝尤全子營

素炁徊堂天

帝愍都交華

龍威捨湟天

帝逐開辟晞

至澤洪靈天

帝杜祥示恭

三十二天三十二帝諸天隱諱諸天隱名天中空洞自然靈章

道藏輯要

度人妙經

卷

角集四

諸天隱韻天中之音天中之尊天中之神天中大魔天中之靈  
九開十闢混合上清玄關大典幽妙難量造天立極敷落十方  
今日欣慶會遇考試諸天已滅世累斬絕惡根飛度五難乘景  
高奔真王監察無制玄門東斗注生西斗司伐北斗執契南斗  
定格中斗帝室宣流聖澤青帝布機白帝持籌赤帝御炁黑帝  
交貫黃帝中居大化分判青天真王寶慶合離赤天真王玄真  
糾非白天真王太素運時黑天真王天化霄暉黃天真王靈炁  
所歸五天真王萬境之尊飛行三界總領威兵持幢仗節遊行  
太清位號顯著與天同生上玄化民嚴制幽扁紫微受詔掃殄  
祇祥天蓬執印神虎恢張流火前馳朱鳳後翔六天大醜收付



魁罡敢有干犯拒抗天真神兵左戮巨殺右刑屠割除滅風火  
無停千千截首萬萬誅形魔無侵試鬼無逆凌三官北酆明察  
鬼營敢容怠縱飛章奏呈普告十方无量神靈八冥諸帝列言  
紫宸

混元無名非濁非清分爲兩半素玄肇平積微爲仞大化生方  
劫號既定冥變龍康眇眇祖源混合文昌上無景色下無化淵  
風行太虛空洞無邊自然聖境至道之玄碧霄降地金水成天  
天上天下大舍沉冥無輝無影無象無形溟滓元炁雙耀交并  
赤明玉虛運周自然天一流化金簡玉篇赤陽至精八垣玄文  
保制崑邱永劫長存梵炁彌羅萬法施張元綱交貫九地九天

道藏輯要

度人妙經

卷

角集四

輪轉空無生成億千旋遶蕭山回度飛躔三十九帝總攝上元  
十方聖境統治丹玄中太真上景高皇汎炁玉霞吟嘯洞清  
金延秀賴流盼雲營天音朗韻靈光散煙太蕭鬱羅明化金編  
千和萬合自然成真真中有神長生大君青華左踞玉妃右躡  
太一司命桃康合溘執符把籍保度靈根上游紫清出入玄丹  
三方之內六極之中下鎮人身明堂絳宮分治五神合會百骸  
十運回風萬炁俱仙飛神召靈變化無邊仙道貴生无量度人  
十方之極開通八門飛行三界受書玉宸罪福禁戒宿命因緣  
咸受濟度天正生身身得受生上聞諸天諸天之上各有生門  
中有天元合變之章太上靈籙辭參高真

第一十方聖境飛空之音

玄光赤運

大梵無名

飛境飄飄

化闕九門

玉城盤回

碧落敷明

旋臺萬劫

音華耀文

中有大聖

龍衣虎裳

首建紫宸

腰帶金璫

持握四境

化土中方

爾龍長齋

鍊度文昌

蕩穢紫戶

納真絳房

二神擲火

元一揚光

見我眞形

出沒低昂

粲粲存工

灼灼在傍

乘神以遊

綠室朱窓

我道香密

道藏輯要

度人妙經

至

角集四

心合靈鄉

第二十方聖境之章

一炁所變

萬境澄清

玄嶽鬱差

仙都玉京

長林茂秀

大有玉庭

朱衣龍章

開化生根

聖緣天運

正道開揚

炁貫飛煙

結花無常

穹樓千尺

巨闕明堂

龍游虎馳

朱旆雲綱

隱如太空

顯如宿張

發現應所行

卽明善惡方

玉眞跨斑龍

神風得高翔

第三十方聖境歌曰

龍漢大劫

萬品玄虛

元始開天

先造空無

大洞上元

清微禹餘

靈文九訓

玄真七舒

蕩蕩八垣

高升四隅

赤明啟運

列聖御圖

五山塞襄

敷落赤書

蕩蕩天闕

巍巍帝居

靈光下濟

息役三塗

頌赦河源

真風廣敷

式歌此音

與聖同符

此三界之上飛空之中真王歌音音參洞章誦之百遍名度南

道藏輯要

度人妙經

美

角集四

宮誦之千遍真王保迎萬遍道備飛昇太空過度三界位登仙  
公有闔靈音魔王敬形勅制地祇侍衛送迎拔出地戶五苦八  
難七祖升遷永離幽關魂度朱陵受鍊更生是謂无量普度無  
窮有秘上天文諸天共所崇泄慢墮地獄禍及七祖翁

道言此二章並是諸天上帝及至靈真王隱秘之音深啟至玄  
發明洪化使彼天民咸入聖境皆是大梵之言非世常辭言無  
韻麗曲無華宛故謂之奧難可尋詳上天所寶祕於高上神霄  
玉清玉府大君行教應系流傳若有至人齋金寶質心依舊格  
告盟十天然後而付焉

道言夫天地運度否終日月五星虧盈至聖神人休否末學之

夫疾傷凡有此災同二皆當齊心修齋六時行香十徧轉經福  
德立降消諸不祥 元量之文普度無窮

道言夫末學道淺或仙品未充運應滅度身經太陰臨過之時  
同學至人爲其行香誦經十過以度屍形如法則生身所行善  
功所營陰德當滅度時十方聖境皆現元始天尊安座說法或  
接手接引旛蓋來迎魂神徑上南宮隨其學功計日而得更生  
輪轉不惑便得神仙

道言夫天地運終星宿錯度日月失光四時失序陰陽不調國  
境生災疫毒流行兆民死傷師友命過淨友災殃皆當修齋行  
香誦經夫齋戒誦經功德甚重上消天災保鎮帝王下禳毒害

道藏輯要

度人妙經

堯

角集四

以度兆民生死受賴其福難勝故曰无量普度天人

道言凡有是經能爲天地帝主兆民行是功德有災之日發心  
修齋燒香誦經十過皆諸天記名萬神侍衛右別至人克得爲  
聖君金闕之臣諸天記人功過毫分無失天中眞王亦保舉爾  
身得道者乃當洞明至言也

諸天中大梵隱語无量音

道君撰

元始靈書十方聖境秘篇

東方八天

羣陀湮索

召鑑淵沛

靈馬逾綱

期韜式晦

遼闌彌負

列都夷悌

濛巖睽羅

逸還周器

烏陽演赤

皓兕乾銳

報美丙山

璠章薈粹

祝多時延

綠真英仙

湛那觀泊

至良微瞻

南方八天

寶頁昆略

鯨池紫澶

跋玖但思

蕭南岐顛

寶節徂徠

密盟書玄

樂藻梯莫

直幾進綿

注忝乙趨

離威資權

藍傍依序

厯高次宣

靈僅霄華

臺他閱城

璣黨扶驅

道藏輯要

度人妙經

本

角集四

洞籟潯溟

西方八天

庫研銜勻

邱慈始傷

庚井龍羅

柏房停香

酌嶰留激

屏麻辭真

雲巢定相

做多淪神

徹虛琅璩

燕都景凝

感族揚鄙

智傳齊謨

混覺測靈

維珙粗根

亮茗已禱

部墟塗琅

北方八天

侯汪迹元

披景奪靈

衣篤變契

郭多民遠

鍊泓寒穴

招仙寶輪

蕩交逸區

爭光蒲形

早炁洽東

司萌決同

智騫環耀

規璘冀沖

洞育邈里

羸魁謁豐

萬仙合絕

空靈實功

道言此諸天中十方聖境大梵隱語无量之音舊文題十方洞  
臺天闕玉都之上神化十方靈隨應出空合道微悟解之者補  
鄉聖境無不曾現字皆廣長一丈天真皇人昔書其文以為正  
音有知其音能齋而誦之者諸天皆遣十方聖境化土神王下  
觀其身書其功勤上奏諸天萬神朝禮地祇侍門大功真王保

道藏輯要

度人妙經

空

角集四  
川文

舉上真道備克得遊行三界升入金門此音無所不辟無所不  
讓無所不度無所不成天真自然之音也故誦之致十方飛天  
下觀上帝遙唱萬神朝禮三界侍軒羣祇束首鬼精自亡琳琅  
震響十方肅清河海靜默山嶽吞煙萬靈振伏招集羣仙天無  
氛穢地無祲塵冥慧洞清大量玄玄也